

Meje Po Carte Santiago Tatina, Pomonae Jesucristo Pejume Cowantsiwi Tatinatsi

Meje yabara poxonae Santiago tamropata pitaba xua tatina pomonaetha pomonae pejume cowantsiwi pomonae xua tajũ jinompa

¹ Xan, Santiago ponxaein Nacom amanaya pia petanacuichin tatsin irũ Jesucristo pon jiwi Pecanamataxeinaein amanaya pia petanacuichin tatsinno. Paca jacobatsi pomonae Israel pia saineiwi tatsi pam, pon caena bayatha tũpa. Israel doce po pexantobe xeina, pomonae caena bayatha werapa.

Paxam barapo doce po bicheito matabũxũmonaebe pia sainei jiwi tatsi pam, pomonae pam xua anoxuae tajũ nacayayatsiya pajinompame daxita nacuantha xua painya pepa nacua weya.

Meje yabara xua po peyaputae coyene Nacom pia peyaputae coyenewa tatsi

² Tamonaе pam pomonaе irũ painya nejume cowantsi jiwi pam Cristo, bewa jũntũ coyene weiweinaya pajinompam poxonaе bequein pacata ayapube tsaibi tsane ichauxi. ³ Poxonaе pacata ayapube tsounеibi ichauxi ichitha beitatemaya awiya ayapusũya pajume cocowũntaponame, baroxonaе payaputaneme xua paantũya-pusũya amanayabame pocotsiwa xua paca atene exana.

⁴ Bara saya beitatemaya payabara cui copare barapo coyene xua ayapusũya jume cocowũntapona paca necana exanaenexa beya poxonaе painya jũntũ coyene Nacom petsita xanepanaenexatsi. Baroxonaе painya jũntũ

coyeneintha jopa paxeinaem tsane pocotsiwa pacata se-ica. ⁵ Icha caein paxam jiwana pam taseicatsi peyaputae coyene xua jopa yaputaeyo pocotsiwa Nacom ichichipa bapon bewa Nacomtha tsipaebina xua pecatsinexatsi peyaputae coyene pocotsiwa bapon ichichipa. Nacom amanaya catsina nawita barapo peyaputae coyene. Matautano Nacom jopa aenae-aeneya itawetsiyo poxonae cata. ⁶ Daichitha jame bewa jume cowuntsiya pawcaename. Matauta jopa bubujeya pawcaeinde Nacomtha. Tsipei pon bubujeya wuca Nacomtha, bapon ichawa beya tamropata nanta xeinapenteiba icha be pocotsi coyene juta ichi poxonae ba maratsaca joibo ichawa beya caya tsaibi icha muxunene beya. ⁷ Pon barapocotsi coyeneya exana, Nacom ba jopa catsiyo bapocotsi jitontha, tsipei jopa jume cowuntsiya wucaeyo Nacom pon jiw Pecanamataxeinaein. ⁸ Bapon jopa xeinaeyo pocotsiwa Nacom cata tsipei bapon anoxuae caewa yabara nanta xeina. Baya equeicha ichawa yabara nanta xeina. Jopa itacupaetsi xua xanepanaya pepoponaewa.

⁹ Pon xua Jesucristo pejume cowuntsin, bapon bequein saya tsiwiyo copei xeina, bapon bewa junte miya juntu coyene weiweinaeya poponaena tsipei bapon Nacom peitabaratha ainya cui penaexanaein. ¹⁰⁻¹¹ Matautano pon copiya copei pexeinaein pontha pon bequein Nacom cui yabara copata xua bapon peacopeibin naexana, bewa junte ma poponaena pejume cowuntsixae Nacom. Poxonae bapon tupaena, bapana jopa cuenta tupa po coyene xua bapon pejume cowuntsiwa. Ichitha icha bapon jopa jume cowuntsiyo copei pexeinaexae, bapon saya caeto nacuita ducuaenaebiya bapoxonae cuenta tupa copei poxonae nacuita ducuaenaebiya. Barapo coyene icha be pocotsi juta coyeneya ichi xua pentono. Bara caeto matono weiweinaeya umena. Cotacaya xometo

ecoina yawano atsa bichocono, naepanaewan tsaquiwa, pentononno othopeica. Weraweraca xua matono itu-pana. Pon copei pexeinaein bapon tupaena, saya weraweracaena icha pentono ichi xua weraweraca.

Meje yabara poxonaē jiwī pemuxujainyabiwatsi xua abe peexanaewa tsane

¹² Nacom jujuta pomonaetha pomonae pejume cowuntsiwichi pia yaputaetsi icha barapomonae xaniwaicha antobetsi. Pon xua acuiyapusuya jume cowuntsiya popona poxonaē bara bequein Nacom juntu coyene jujuta, jame bapon juntu coyene weiweinaeya popona. Poxonaē yapucaewa xua bapon juntu coyene jujutatsi bapoxonaē Nacom yabara wunaē muxu dutsina xua bexa bapon Nacom pia nacua beicha peajuntucoyeneyapusuwatha ponaena. Barapo peyabara tsiwunaē muxu dutsiwa Nacom cata pomonaetha pomonae peantobewixaetsi. ¹³ Poxonaē ichun matowa juntu coyene jujutatsi xua abe peexanaenexa, bapon jopa bewa nanta xeinaē xua metha baxua Nacom cana exana bapontha. Tsipei Nacom bapana jopa jichipae xua abe peexanaewa tsane. Matauta Nacom ichamonaetha jopa bapana cana exanaeyo xua pejuntu coyene jujutsiwa xua barapomonae abe peexanaewa tsane. ¹⁴ Apra jame nama pon juntu coyene jujutatsi abe peexanaenexa, bapon copiya pejuntu coyenetha nanta xeinaeya popona xua abe peexanaenexa. Bapoxonaē poxonaē xaniwaicha juntu coyene jujutatsi xua abe peexanaenexa bara bapon exana xua abe exana. ¹⁵ Pon xua abe exana bapon exana po peabe exanaē cuiru coyene copiya yabara nanta xeina. Icha bapon awiya abe exana ducuaenaēbiya matapainya tupa abe peexanaē cuiru coyene peexanaexae bichocono.

¹⁶ Tamonae pam paxam pomonae tapaca caantobewichi pam. Jopa painya coutha pananta xeinaēinde xua

pajam: “Nacom nemuxujainyaba xua abe taexanaewa tsane”, jopa pajande. ¹⁷ Daxita xua wūnae, saya meisa baxuan Nacom nacata itorobica peitaboco wetsica. Bapon Nacom exanaduba daxitan xua pocotsiwa yonoyonojei tsurubenaē peitabocotha. Nacom jopa bapana ichawa beya pepaēbiya exanaein. Bapon peyapenthiya jinaein mataqueitha yawa merawithano. Jopa exanaeyo icha barapo pecoichan ichi xua pentha tsaibi yawa quirei tsaibi. Dapon aibi pon itacūpatsi xua itorobatsi Nacom xua icha coyeneya peexanaewa xua pocotsiwa bapon pia coya ichichipa exana. ¹⁸ Poxoru saya Nacom pia coutha ichichipa daxota naca cata peantūyapusūwa po peantūyapusūwa ataya tsiteca. Baxua naca cata poxonae jume cowūntsiya jume tainchi Nacom pia pexainyei jume diwesi tatsi. Poxonae Nacom baxua naca cana exana bara waxainchi piamonae jiwi tatsichi xua waxainchi ichamonae toxeinchiya jume cowūntatsi. Xua copiya wajume cowūntsixae, Nacom naca cana exana xua pomonaetsi pomonae wajūntū coyene xanepanae jiwichi Nacom nexa. Daxota Nacom tsita be peainya cui jiwichi beyacaincha ichamonae.

Meje yabara pomonae xaniyeya pepa pejume cowūntsiwi
Nacom

¹⁹ Tamonae pam pomonae bichocono tapaca caantobe jiwichi pam pacayabara nanta xeinare barapo diwesi xua jeye: Daxita paxam bewa pewūnaeya pana najūntū coyene wūnaeteibim painya nenamnaewateibinexa Nacom Pejume Diwesi. Jopa bewa paxainxainyam xua painya cueicueijeinexa barapo diwese ichamonaetha poxonae cataunxuae jopa paexanaem pocotsiwa barapo diwesi itoroba. Yawa jopa bichocono anaepanaya pacueicueijande. ²⁰ Tsipei pon anaepana, Nacom jopa taexanaetsi pexeinya coyene po coyene xua Nacom tsita

xanepanatsi. ²¹ Bara pabarapende po coyene abe peexanae cuiru coyene pocotsiwa pananta xeiname, xuano xua pocotsiwa ichamonaetha pata exaname. Matautano pana cui barapende po peabe exanae cuiru coyene bichocono nawita pocotsiwa ichamonaetha pata exaname. Matautano painya jüntu coyeneintha ita ururaquiya pajume cowunde Nacom pia pexainyei jume diwesi tatsi. Tsipei barapo pexainyei jume diwesi xeina peayapusawa xua paca cana exana xua pajüntu coyene panenebiyam abe painya neexanae cuiru coyenein weya.

²² Itapeta paexande, pocotsiwa Nacom Pejume Diwesitha paeba. Jopa metha bepa saya pajume taemtsipae. Tsipei paxam painya coutha pana namuxuitorobeibichipame icha jopa paexaneibim pocotsiwa xua pajume taibame. ²³ Pon xua saya jume tane Nacom Pejume Diwesi yawa jopa exanaeyo pocotsiwa Nacom paeba, bapon be pocotsi jiton tsabocototha nayaitane. ²⁴ Bara nayaitane. Poxonae bapon pona caena bapon yacuinaya naitabara itaxananaya. ²⁵ Nacom Pejume Diwesi bichocono xanepana. Barapo peitorobi diwesi naca jüntu coyene capanepa exana abe waexanae cuiru coyene weya. Ichitha pon jopa jüntemainaeo xua pocotsiwa Nacom Pejume Diwesitha paeba, xuano xanepanaya exana ducuaenaebiya pocotsiwa barapo diwesi itoroba, bapon jüntu coyene weiweina xua pocotsiwa peexanaexae.

²⁶ Icha pebin nanta xeina xua daxita jume cowuntsiya exana Nacom nexa, xua daichitha jopa naebato yatacutsiyo poxonae ichamonaecat sawiya yabara pae-batsi, bapon pia coutha namuxuitoroba. Matautano pocotsiwa jume cowuntsiya exanapona Nacom nexa saya pejumexaei. ²⁷ Pomonae xainyeya pepa pejume cowuntsiwi Nacom, barapomonae jopa abe exanaeyo Nacom peitabaratha, pon Waxa. Pomonae xanepanaya

exana bewa iche: Bewa yawenae pomonae peacoibi jiwi, yawa bewa yawenaeno powaxi pecuenta werapaewaxichi piseurixi. Matauta jopa bewa exanae pocotsi coyene exana pomonae jopa pejume cowuntsiwi Nacom.

2

Meje yabara xua poxonae jiwi bewa daxita tsita najupaetsi

¹ Tamonae pam, pomonae iru painya nejume cowuntsixae Jesucristo pon Wanacanamataxeinaein. Bapon Jesucristo pon bichocono pejuntu coyene xanepanaein. Jopa bewa paexanaem painya xantha painya nejume cowuntsixae xua ichun bichocono peainya cuin wuna penaexanaeinxae beyacaincha ichun xua jopa wuna penaexanaeinxae xua daxota bapon catsapin pacana exaname. ² Ichacuitha metha be pocotsi coyeneya tsipae, xua meje: Metha poxonae paxam panacaetsipame, bapoxonae iruru pebinbe patopaetsipabe. Metha baponbe joniyaetsipabe baxota. Ichun nacobesi xataba aniyon pocotsiwan daedaena. Matautano paparuwa nama xatata xua mu daedaena. Nama iru ichun acopeibi, nama dapon saya pia penama xatatsiwa taabetsi. ³ Metha pon copei pexeinaein pantenta weyataeya wabichipame. Metha pajam tsipaem bapontha: “Xote ecare ichaxota pexeinya peecaewatha”, pajam tsipaem. Ichitha nama pontha acopeibi, jopa pantenta weyataeya wabichipaem. Bapontha pajam tsipae: “Bara beuncuiyama, ichacuitha bara saya iratha ecare”, pajam tsipaem. ⁴ Icha metha baxua paexanaetsipame bapoxonae abeya pananta xeinaetsipame xua jiwi jopa najupaeyo. Bapoxonae paxam pana nacana exaname be pomonae jiwi painya neyabara paebi jiwi pam xua penatsicuentsiwa yabara xua abe peexanaexae.

⁵ Tamonae pam pomonae iru painya nejume cowuntsixae Jesucristo, bichocono paca antobetsi. Incane pajume taema, xuaje: Nacom itapeta pomonae peacopeibiwi xua barapomonae bichocono pejume cowuntsinexa. Matautano Nacom catsibina barapomonaetha pocotsiwa bayatha juntana jeba pia peitorobi nacuatheicha pia peantobewixaetsi. ⁶ Ichitha nama jopa paweyataem pon barapo peacopeibin. ¿Eta xua metha baxua paraichim? Pomonae ba copei pexeinaewi pomonae paweyataneme barapomonae ba daunweya paca itoroba nama. Matautano barapomonae ba pentacaponae peitabaratha paca capona xua abeya pia paca necayabara paebinexa. ⁷ Barapomonae pomonae copei pexeinaewi apara Jesucristo abe yabara paebatsi, pontha pon waxainchi wajume cowunta dubenanaebiyaexaetsi, naca jei, “Cristobarumonae”, naca jei.

⁸ Icha ichichipa paexaname Nacom peitorobi jume coyenewa, moya pejume coya paexande xua Nacom Pejume Diwesitha jeye: “Paantobeinde ichamonae, pomonae painya nepaca tsicuarabu enaewi icha paichim xua painya coutha pana naantobem”, jei xua barapo diwesitha. Moya bara beta paexanaename. ⁹ Poxonae ichamonae ainya cui pacana exaname xua beyacaincha ichamonae, bapoxonae paxam apara abe paexaname. Matautano apara paxam pomonae abe painya neexanaewi, tsipei jopa paexanaem pocotsiwa Nacom penajume caitorobi coyenewatha paeba. ¹⁰ Icha ichun jume jejei xua peexanaewa tsane pocotsiwa Nacom penajume caitorobi coyenewatha paeba, daichitha bara caewiyo seicanaya xua peexanaewa tsane, bapon Nacom tsita natsicuentatsi xua abe peexanaexae. Bara bequein saya caewiyo seicanaya, barapara Nacom

tane xua daxita tsita abetsi. ¹¹ Nacom namchi: “Jopa panasi cui wainmein chinde poxonae jitha painya neenaewatha”, jei Nacom. Yawa namchino: “Jopa bexubinde ichun”, jei Nacom. Ichitha icha bequein jopa panasi cui wainmein chim, daichitha pabexubame ichun baraxua be poxonae daxita abe pacayabara exaname Nacom penajume caitorobi coyenewa. ¹² Paxam bewa beta xanepanaya papaebim. Matautano bewa beta pajinompam. Tsipei bexa tsane Nacom paca yabara paebina painya nenatsicuentsiwa abe painya neexanaexae bapontha. Paxam jopa payabara jume cuiya exanaem pocotsiwa Nacom itoroba penajume caitorobi coyenewatha. Icha barapo coyene exanatsi naca cana exana xua wapanenebiwatsi Nacom beya. ¹³ Pomonaе jopa yabara nantanuweya nanta xeinaeyo xua ichamonae peyawenaenexa tsainchi xuya Nacom bara jutiya ichane barapomonaetha. Ichitha pomonaе xua yabara nantanuweya nanta xeina xua ichamonae peyawenaenexa tsainchi, xuya Nacom bara jutiya ichane po matabitha jiwі yabara paebinchi xua penatsicuentsiwa xua abe peexanaexae.

Meje yabara xua Nacom pejume cowuntsiwichi pia pex-einya peexanae coyenewan tatsi

¹⁴ Tamonaе pam, iru pomonaе painya nejume cowuntsixae Jesucristo. ¿Eta xua metha tsipae? Metha ichun jei: Xan Nacom Pejume Diwesi jume cowuntan, jei, ichitha jopa betiya xanepanaya exanaeyo. ¿Bara metha bapon najuntu coyene capanepaetsipa Nacom beya? Aparajume tsipae, jopa najuntu coyene capanepaetsipae. ¹⁵⁻¹⁶ Ichacuiitha metha tsipae, metha panantaupsipame pomonaе pejume cowuntsiwi Jesucristo painya xantha. Barapomonaе metha taibichipaetsi paparuwan xua pocotsiwa aque nexa, yawa xua taseicatsi pexaewa

penabanaewanexa. Metha ichun pon painyamonaе jiwana jiton bapomonaetha jeye: “Bara junteма panawibiyama, paparuwa panama xatabareno, bara beta panabanareno”, jei. Daichitha bapon jopa catsiyo barapomonaetha pocotsiwa barapomonaе nantawenona xua pejinompaewa nexa. Baxua bapana ba ichamonaе jopa yawenaetsi icha saya ba u xua paebatsi. ¹⁷ Barichi xua pon pejume cowuntsin Nacom Pejume Diwesi. Icha bapon jopa yawenaeyo ichuntha pontha pon nantawenona ichawa xua pia peponaewa nexa, bapoxonaе bapon pia pejume cowuntsiwa Nacomtha be cayabara juntemaina.

¹⁸ Ichacuitha jiton jeye: “Ichamonaе bichocono jume cowunta pocotsiwa Nacom itoroba bequein jopa yawenaeyo ichamonaе. Seicaya ichamonaе bichocono beta yawena ichamonaе bequein jopa beta jume cowuntsiyo pocotsiwa Nacom itoroba”, jei. Xan ponxaein Santiago jume notsin bapontha: “Pon beta jume cowunta jopa itacupaetsi xua netsita exana xua bapon xaniwaicha jume cowunta pocotsiwa Nacom itoroba poxonaе bequein jopa beta yawenaeyo ichamonaе. Bapoxonaе xan tsita exanan bapontha xua xaniwaicha jume cowuntan pocotsiwan Nacom itoroba poxonaе exanan pocotsiwa Nacom neitoroba xua poxonaе yawenan ichamonaе”, jan tsane. ¹⁹ Xam jume cowuntame xua bara compa pepa Nacom popona, xua ichun bapocotsin aibi. Baraxua bara beta nanta xeiname. Ichitha baxua iru caurimonaе jume cowunta yawa bichocono pijunuwi jijiyei. ²⁰ Xam bapocotsim pocotsin ba jopa peyaputaеin, incane jume taema. Pon paeba xua pinae jume cowunta pocotsiwa xua Nacom itoroba, xua daichitha jopa beta exanaeyo ichamonaе nexa, bapon pia pejume cowuntsiwa bara be cayabara juntemaina. ²¹ Nacom tsita juntu coyene xanepanatsi Abraham, pon wamo susatopin, pon caena bayatha tupa.

Bapon Abraham Nacom jopa tsita natsicuentaſichi xua abe peexanaexae, ichitha yabara jume cowantsiya pe-exanaexae pocotsiwa Nacom itoroba. Bapon pexanto isoto beya capona, petautsinexa xua petuxusi exanaenexa Nacomtha, po pexanto tatsi pewan Isaac. ²² Anoxuae payaputaneme xua Abraham jume cowantsiya exana pocotsiwa Nacom itoroba. Daxota bapon tsita itapeinya xeina xua poxonae exana baxua xua yatsicaewa bara xeina pepa pejume cowantsi coyenewa. ²³ Nacom exana xua caena bayatha Pejume Diwesitha jeye: “Abraham jume cowantsiya exana pocotsiwa Nacom itoroba. Daxota Nacom tsita juntu coyene xanepanatsi jopa penatsicuentaſixae xua abe peexanaexae bapontha”, jei Nacom Pejume Diwesi. Barapo Nacom Pejume Diwesi tatsi xainyei, tsipei Nacom exana baxua. Daxota caena bayatha Abraham yabara jeichichi: “Apara Abraham Nacom pia jiton tatsi”, jeichichi.

²⁴ Anoxuae bara payaputaneme pocotsiwa Nacom tsita juntu coyene xanepanatsi xua jopa tsita natsicuentaſichi xua abe peexanaexae pon exana pocotsiwa Nacom itoroba, jopa meisa metha poxoru pejume cowantsixae.

²⁵ Bara cana ichiru Nacom petsiriwatha powa nasi cui matacaeta pebiwitha, pia paratixichi, powa pewan Rahab, powa caena bayatha popona. Nacom tsita juntu coyene xanepanatsi barapowatha xua poxonae peyawe-naexae icha pebinbetha ponbe peitorobinchibe xua poxonae peyantabinexabe tomara. Barapowa barapo pebinbe burana etatsibe pia botha poxonae baponbe jeitompatsibe ichamonae. Bapoxonae pirapaeyo bapowa baponbe capanepatsibe icha namto iya xua tomara weya.

²⁶ Daxota anoxuae paca tsipaebatsi, icha pepon ba jopa xeinaeyo pejumope, ba pepon tupa. Barichi icha pebin jume cowanta Nacom daichitha jopa exanaeyo pocotsiwa

Nacom itoroba bapoxonae pia pejume cowuntsiwa bara be cayabara junteina.

3

Meje yabara pocotsiwa xua peebatotha pepaebiwa

¹ Tamonae pam pomonae iru painya nejume cowuntsixae Jesucristo. Paxan pajume tan xua pinmonae painyamonae jiwana ichichipa xua penaexanaewa pomonae jiwi pecuidubiwi Nacom Pejume Diwesi. Daichitha pinmonae jopa bewa naexanae pomonae jiwi pecuidubiwi. Bayatha daxita paxam payaputaneme xua paxan pacueicueijan tsurubenaebiyan Nacom Pejume Diwesi xua jiwi jopa bewa abe exanaena. Daxota poxonae baxua pacueicueijan xua daichitha abe paexanan bapoxonae Nacom bichocono pana peraxa jubina beyacaincha xua poxonae bapon cana exanaena ichamonaetha. ²Daxita waxainchi ichichipatsi nawita xua abe waexanaewa. Anoxuae payaputaema, icha ichun jopa abe exanaeyo xua poxonae paeba bapon jame penthuthu yapu xanepanaein. Matautano bapon itacupatsi xua najuntu coyene itoroba daxita pia pepontha xua xanepanaya peexanaewa abe peexanaeyainwa. ³Poxonae waxainchi cawayu wano atatsi penainto xua wanaca cui jejeinexa baraxua apara xua wacafebabinexa daxita pepon ichaxota waponae. ⁴Barichi payabara nanta xeinare jera po nae pin nae. Bara bequein bichocono pin nae yawano bara bequein po joibo pin joibo capubabiya tsaibi, daichitha pon tafecaeca bapon cafebabecapona ichawa beya xua ichaxota ichichipa peponae xua xoyotha tsiwiyo tsecae xoyo ira werucueina. ⁵Icha jera ichi po nae pin nae xua dapocotsiwiyotha cafebabecapona, barichi peebato xua dapocotsi ebatiyoy tsecae pepon nexa. Daichitha barapo ebatiyotha

itacupatsi xua yabara eetaponaeya paeba pia peexanaewa
 poxonae ichamonaе aebatsi. Barichi unu itacupatsi xua
 petaxuiwa dacotsi iteretiyotha. ⁶ Icha nawa iteretiyo cana
 ichi unu, peebato bara ichiya exana daxita coyeneintha.
 Bequein waebato peyauyo tsecae xua wapepon jiwana
 xua pin xaintotsi, ichitha bara itacupcatsi xua bichocono
 abe exanatsi naca cana exana. Waebato naca cana exana
 xua waexanaewa daxita abe waexanae cuiru coyenein xua
 poxonaе wacueicueijeixae waebatotha xua caurimonae
 pia pentacaponaein tatsi wanaca cui itorobixae. ⁷ Jiton
 ba itacupatsi xua ita coxone exana daxita duweimonae,
 pepupunaewi, jomon yawa menepipichiwanno. Daxita
 baxua i daxua jiton ba ita coxone exana. ⁸ Nama peebato
 jopa be baraichichi. Jopa wanaca yapu xanepanaewa xua
 waebato cuidubatsi xua jopa abe jume pepaebiwa tsane.
 Waebato bichocono abe tsecae. Itacupatsi xua jiwi cana
 exanatsi xua ichamonaе pejumetaya anthuthutanewa,
 icha jomo ichi xua jiwi ba atene exanatsi pewanotha
 xua ichacuitha ba jiwi tupa exanatsi xua pewano tsapa
 pexeinaexae. ⁹ Barapo ebatotha wunaе jaintatsi Nacom
 pon Waxa. Matautano abe yabara paebatsi pebiwi barapo
 ebatotha. Ichitha barapo pebiwitha Nacom caena bayatha
 forota daxota barapo jiwi pia juntu coyene tatsi jupa
 icha Nacom pia juntu coyene tatsi ichi. ¹⁰ Matautano
 barapo coibototha jume pichapa xua wunaе pejainchiwa
 Nacomtha, xuano xua abeya pepaebiwa. Tamonaе pam
 pomonaе iru painya nejume cowuntsixae Jesucristo. Jopa
 bewa barapocotsi coyenewa paexanaem xua poxonaе
 Nacom wunaе pajaintame xuano xua jiwi abe payabara
 paebame. ¹¹ Po mera natsibotarucua ira buxupana
 wetsina, poxonaе mene jujuina barapoxonaе caena yawa
 jopa muxuna jujuinaeyo po mera xeica yawa po mera
 atsaxa. ¹² Tamonaе pam bara pocotsi juta coyeneya

ichi poxonae waxainchi ꞥbatsi. Higuera nae jopa ba nacoichiyo olivo nae thei, po pethei aceituna thei matawꞥn. Yawano uva ꞥnbototha jopa ba nacoichiyo higuera nae thei. Barichi barapo mene po mera mene natsibotarucua poxonae mene jujuina barapoxonae caena yawa jopa muxuna jujunaeyo po mera xeica yawa po mera atae. Barichi waebatotha jopa bewa xeinaetsi ainya jume coyenewabe po jume wꞥnae yawa po jume abe.

Meje yabara xua pepa pexainyeiwa xua peyaputae coyenewa

¹³ Icha painya xantha popona pon bichocono peyaputaein xua yawa pecoxonaein bapon bara bewa moya xanepanaya beta poponae yawa bara bewa moya ita ururaquiya poponae. Beta peexanaexae jiwi peitutha, bapoxonae jiwi tane xua bara bapon pon bichocono pepa peyaputaein. ¹⁴ Metha painya jꞥntꞥ coyenetha paxeiname peuwiwa xua paca jꞥntꞥ coyene atsaca exana ichamonaetha. Yawa metha painya coutha pana nata exaname painyawan pia jiwi wꞥnae paca yabara paebichi xua pia ainya cui paca exanaetsi xua beyacaincha ichamonae. Icha paxeiname barapo peyaputae coyenebe bapoxonae painya xoba paeabame ichamonae painya pepa neyaputae jiwi pamxaem. Poxonae baxua papaebame apara saya panaerabame xua jopa paxainyam. ¹⁵ Aparo barapo peyaputae coyene xuaunxuae po peyaputae coyene yabara paca tsipaebatsi barapo coyene apara jiwi nanta xeina barapo cae pin nacuathe pomonae jopa pejume cowꞥntsiwi Nacom. Barichi barapo peyaputae coyene cauri nanta xeina. Aparo barapo peyaputae coyene Nacom werena jopa ponaeyo. ¹⁶ Daxota poxonae ba jiwi pejume uwiwa xeina ichamonaetha yawa ꞥ penata exanae coyene piawan bapoxonae ba jiwi jopa

xanepanaya penanta xeinaewa yawa exana daxita abe pe-exanae cuiru coyenein. ¹⁷ Nama pomonae xua peyaputae coyene xeina xua po peyaputae coyene Nacom werena pona, barapomonae copiya jüntu coyene xanepanaya jinompa yawano barapomonae jopa naita aenae-aeneyo saya jüntema pejinompaexae. Yawa barapomonae yabara jume baru cui itura jina pocotsiwa ichamonae paeba. Yawa jume jejei xua peexanaewa pocotsiwa ichamonae itoroba. Matautano nantanuweya yabara najüntu coyene xeina peyawenaenexa tsaibi tsane ichamonae. Matautano barapomonae wunaeya xanepanaya exaneiba ichamonae nexa xua jopa ichawa beya nanta xeinaeyo xua saya xaniwaichiya exana. ¹⁸ Pomonae xua bichocono ichichipa xua jüntema pejinompaewa barapomonae cana exana ichamonaetha, xua ichamonae jüntema jinompa xua daxota barapo ichamonae bichocono xanepanaya betiya exana dubenanaebiya.

4

Meje yabara pomonae ichichipa naexana pomonae jopa pejume cowuntsiwi piamonae tatsi

¹ ¿Eta werena pona barapo coyene xua pana najume matsontsonobame? ¿Yawano eta werena pona barapo coyene xua pana nabame? Apara barapo coyenebe natoroba painya jüntu coyeneintha ichaxota paichichipame xua abe painya nenanta xeinaewa. ² Ichawa paichichipame ichitha jopa paxeinaem daxota ichun anaya pabexubame. Ichawa payabara cui uwame, ichitha jopa paca itacupaeyo xua paxeiname daxota anaya pana nayabara bame. Jopa paxeinaem pocotsiwa paichichipame tsipei Nacomtha jopa pawucaem. ³ Poxonae Nacomtha payabara wucame pocotsiwa paichichipame, jopa Nacom paca catsiyo tsipei

jopa xanepanaya pawucaem, saya painya nata wucaexae pocotsiwa xua abe painya neexanaewa tsane. ⁴ ¡Maisa paxam caurimonae pia pepuna jinompaewichi pam! Payaputaneme xua pomonae ichichipa naexana pomonae jopa pejume cowuntsiwi Nacom piamonae tatsi, barapomonae apara ba Nacom peaitafaetabiwichi. Daxota poxonae paichichipame xua panaexaname barapo cae pin nacuamonaepiwi piamonae tatsi, apara panaexaname Nacom pia peaitafaetabiwichi tatsi pam. ⁵ Daxota Nacom Pejume Diwesi jeye: “Nacom asiwiya antobe po jumope tñaxñ naca cayawa exanaeya jinompa exana”, jei. ⁶ Ichitha Nacom pia peantuyapuswatha naca yawena xua jopa abe waexanaewa tsainchi. Nacom Pejume Diwesitha jeye: “Nacom jopa yawenaeyo pomonaetha pomonae jiwi peabiwi. Ichitha pia peajuntuyapuswatha yawena pomonaetha pomonae ita ururanaya jinompa xua jopa atsaquiyo”, jei. ⁷ Pajume jejande xua Nacom paca itoroba yawa paexande. Jopa pamuxu jejande cauri pia pentacaponaein tatsi xua paca tsipaeba. Bapoxonae bapon naetsircuaena painya xainya weya. ⁸ Nacomtha pat-sipaebare, bapoxonae Nacom paca yawenaena. Paxam pomonae abe peexanae jiwi pam, tsipei Nacom paantobem yawa pamuxuna antobem po peabe exanae coyenewa barapo cae pin nacuathepiwi exana. Bara panacui barapende barapo abe painya exanae coyene. Yawano Nacom patsita najuntũ coyene xanepana exande. ⁹ Abe painya neexanaexae, pana najuntũ coyene acaurande, pawecoyande, yawa panantũ exabare. Poxonae pajuntũ coyene weiweiname xua painya neexanaexae pocotsiwa barapo cae pin nacuathepiwi exana, bara equeicha caewa pajuntũ coyene wecoyande xua painya neauraxae. ¹⁰ Nacom pon jiwi Pecanamataxeinaein pabarñ cui itura jinare xua jopa ainya cui pana nacana exanaem. Bapox-

onae Nacom ainya cui paca cana exanaena.

Meje yabara xua jopa bewa ichamonae yabara paebichi tsainchi xua penatsicuentiwa xua abe peexanaexae

¹¹ Pomonae painya nejume cowantsi jiwi pam Jesu-cristo, jopa bewa ichamonae yabara paebichi tsainchi xua penatsicuentiwa xua abe peexanaexae. Pon abe yabara paeba pontha pon Cristo pejume cowantsindɛ, bapon muxuna abe yabara paeba Nacom pia peitorobi diwesi. Bapon jopa jume cowantsiyo pocotsiwa xua barapo diwesi itoroba xua pinae jopa bewa abe yabara paebichi ichun xua xeina penatsicuentiwa xua abe peexanaexae. Bapoxonae bapon natsicuenta Nacomtha barapo coyenetha tsipei abe paeba nawita. Poxonae bapon abe yabara paeba Nacom pia peitorobi diwesi bapoxonae bapon be jopa exanaeyo po coyene Nacom pia peitorobi coyenewatha itoroba. ¹² Apara meisa bapon Nacom pon naca cata pia peitorobi coyenewa. Matautano bapon compa pon jiwi peyabara paebin xua penatsicuentiwa xua abe peexanaexae. Meisa saya bapon itacɔpatsi xua jiwi capanepatsi pia nacuatheicha, xua ichacuitha ba jiwi itawetatsi pia nacia weya xua abe peexanaexae. Nama paxam apara jopa paca itacɔpaeyo xua payabara paebame xua ichamonae pia peexanae coyenewa tatsi. Matautano jopa paca itacɔpaeyo xua jiwi pacapanepame Nacom pia nacia beicha tatsi, xuano xua jiwi ba ichacuitha paitawetame Nacom pia nacia weya tatsi abe peexanaexae.

Meje yabara xua cataunxuae jopa nayaputaeyo pocotsiwa xua baya nexa tsane

¹³ Anoxuae pajume taema xuaje, xua paxam ba pajam: “Anoxuae, ichacuitha icha jopa anoxuae tsipae, baya tsane paponaein icha tomaratha. Ichacuitha icha jopa barapo tomaratha tsipae, paponaein icha tomaratha.

Baxota pata tha cae wei yapu othopaetsi, pata caenaeta dubenanaebiyaetsi, yawa pata paratixi caetuba dubenanaebiyaetsi”, xua pajam. ¹⁴ Jopa baxua pananta xeinaeinde tsipei jopa payabara yaputaem pocotsiwa baya painya nejinompaewa tsane. Barapocotsi juta coyeneya pana natsicotaneme, icha nobo ichi, xua ba caeto nobo tsuncuae equeicha caewanaya. Barichi jiwi bara caeto jinompa, equeicha werapa. ¹⁵ Jame bewa pocotsiwa papae-bim xua jeye: “Icha Nacom pon jiwi Pecanamataxeinaein ichichipa xua wajinompaewa, moya jinompaeinchi, yawa exanaeinchi pocotsiwa xuaje, ichacuitha xua ichawano”, xua bewa jei. ¹⁶ Ichitha nama paxam, jopa baxua papae-bim pocotsiwa icha Nacom ichichipa. Saya paaebame poxoru paichichipame xua painya neexanaewa pocotsiwa painya coutha paichichipame. Icha poxona paichimje xua poxona paaebame bapoxona bara apara abe pexanae cuiru coyene paexaname. ¹⁷ Pon xua yaputane xua beta peexanaewa, xua daichitha jopa baxua exanaeyo, apara bapon bara abe pexanae cuiru coyene exana.

5

Meje yabara xua pemuxuwetsi coyene pomonaetha pomonae copei pexeinaewi

¹ Pomonae copei pexeinaewi pam, pajume taema xuaje: Payabara siwa wecoyande yawa pana nantanuweya namt-sebare xua painya nepaca tsita jopaexae pocotsiwa xua jopa xaexaenaecaeyo, pocotsiwa xua paca atene exana. ² Daxita xua xuan paxename baxuan daxita tsabana, yawa painya pexeinya pabuburun xua pemu itane wunaewan baxuan daxita ofon xane. ³ Painyawan xua pocotsiwa pewun oro nain yawa xuano pocotsiwa pewun plata nain, daxita baxuan tasibounatsi. Baxua paca tsita naitapeinya xeina xua paxam jopa pacatsim ichamonae saya asiwiya

pantaropeicha xexeinaponame barapo copei. Barapo copei pajebame anoxuae. Ichitha po mataqueitha poxonae Nacom yabara paebina jiwi xua penatsicuentsiwa xua abe peexanaexae bapontha, barapo matabi imoxoyo tsane. Nacom weraweraca exana barapo copei xua painya copei, icha isoto ichi xua tauta exana xua topowa. Bichocono copei pacatubame bequein jopa baxua paca yawenaeyo painya nepanenebiyaewa po mataqueitha nexa po mataqueitha Nacom yabara paebina pocotsiwa jiwi pia peexanae coyenewan ichacuitha xua metha wanae, ichacuitha xua metha abe. ⁴ Jopa pantomatsim pomonaetha pomonaetha pacata nacuita poxonaetha pacata naweta pexaewa. Painya caibixae barapo pentoma barapomonaetha paca yabara namtsebiya wawai. Yawa Nacom pon jiwi Pecanamataxeinaein, pon daxita pia peitorobi coyene pexeinaein bapon daxita baxua jume tane xua barapomonaetha namtsebiya wawai. ⁵ Barapo irathe bichocono copei paxeina dubenanaebiyame, matautano paexana dubenanaebiyame pocotsiwa xua paca juntu coyene weiweina exana. Bichocono copei paacabem po mataqueitha poxonaetha Nacom paca jutebina, icha jiwi ichi xua natsixuruwei naxinyaba exana vaca xua bexa pebexubinexa tsane. ⁶ Paxam pomonaetha copei pexeinaetha jiwi pam abe payabara paebame pomonaetha pejuntu coyene xeicaetha jiwi. Yawano pajutebame barapomonaetha, bequein jopa itacupaetsi xua pia coutha penayawenaewa.

Meje yabara poxonaetha Santiago jei: "Jopa paaitaconaeinde poxonaetha bequein ichamonaetha abe pacata exana", jei

⁷ Tamonaetha pam pomonaetha iru Jesucristo painya ne-jume cowuntsixae. Beitemaya pawanaetha eware pon jiwi Pecanamataxeinaein, pon Cristo. Jopa paaitaconaeinde poxonaetha pawanaetha ewatame xua poxonaetha bequein ichamonaetha abe pacata exana. Barapo coyene baxua bara

paichinde, icha pon pabi pexeinaein ichi poxonaе beitatemaya ewata xua naweta xua naxainwaeta. Bapon jopa aitaconaeyo poxonaе beitatemaya ewata xua ema taatsanaeinchi pia pabi. ⁸ Paxam iru bara paichinde. Jopa paaitaconaеinde poxonaе pawunaе ewatame pon jiwi Pecanamataxeinaein. Pana najuntu coyene tsacabare xua junteма painya nejinompaewa tsane, tsipei pon jiwi Pecanamataxeinaein bara nama imoxoyo pewunaeyo tatsonaetsi xua pepatopaewa.

⁹ Tamonaе pam pomonaе iru Jesus painya nejume cowuntsixaе. Jopa caemonaе nantiya aitaconaeya pana nayabara paebinde xua abe painya nenata exana dubenanaebiyaexae. Icha baxua paexaname paxam panatsicuentame Nacomtha tsipei Nacom pon jiwi peyabara paebin xua penatsicuentsiwa xua abe peexanaexae. Nama imoxoyo tsoponaе poxonaе Nacom itorobina xua jiwi peraxa jubebinchі pomonaе abe peexanaewi. ¹⁰ Tamonaе pam matha pataema po diwesi yabare: Pomonaе Nacom peitorobi jume pepaebiwi pomonaе caena bayatha jinompa, barapomonaе bichocono atene exanatsi ichamonae. Bequein bara barapomonaе atene, daichitha awiya jopa aitaconaeyo poxonaе abe taexanatsi ichamonae. Awiya barapomonaе pomonaе Nacom peitorobi jume pepaebi jiwi ba cueicueijeі tsaibi Nacom nexa, pon jiwi Pecanamataxeinaein. ¹¹ Waxainchi ba yabara nanta xeinatsi barapomonaе, xua bichocono juntu coyene weiweina poxonaе beitatemaya awiya jume cowuntsiya exana dubenanaebiya poxonaе bequein abe taexanatsi ichamonae. Bayatha caena pajume taneme xua pinae pon pewun Job jopa aitaconaeyo Nacomtha poxonaе bequein Nacom yaperaxaeya jume cowunta ducuaenaebiyatsi. Matautano payaputaneme xua Job equeicha matapainya beta taexainchi Nacom, pon jiwi Pecanamatax-

einaein tsipei Nacom jiwi nantanuweya peyabara nantũ coyene xeinaeinchi xua jiwi peyawenaenexatsi.

¹² Jame xuaje ainya cui: Jopa Nacom pawũn caunutsinde xua bapon painya nepaca taewa tsane xua xaniwaicha painya nepaebiwa poxonae yabara pana natsiwana wũnae paebame ichamonaetha pocotsiwa bexa painya exanaetsi. Poxonae pajam: “Je”, pam, bara bara paichinde. Poxonae pajam: “Bara”, pam, bara moya bara jopa paexanaeinde. Bapoxonae jopa Nacomtha panatsicuentstim tsane abe painya neexanaexae. Barichi jopa itaboco pawũn caunutsinde, yawa irano jopa pawũn caunutsinde, mataũtano jopa icha wũnno pawũn caunutsinde.

¹³ Icha ichũn pon painyamonae jiwana jiton ajũntũcoyenetane xua abe petaexanaexaetsi ichamonae, barabũ bewa bapon Nacomtha wũcaena xua peyawenaewa tsainchi. Icha ichũn jũntũ coyene weiweina, barabũ bewa bapon peweixi naxũnae xua Nacom wũnae jainchiya peyabara naxũnaewatsi. ¹⁴ Icha ichũn atene, bewa pawabim penapatae jiwi, pomonae pecanamataxeinaewi xua canamataxeinatsi pomonae Nacom pejume cowũntsiwi. Bapoxonae barapomonae bewa tawũcaena xua pon peatenein petawũcaewatsi xua Nacom axaibi peexanaenexa. Bapoxonae barapomonae bewa juinya penasiwatha mata caxuebina Cristo pewũnthã pon jiwi Pecanamataxeinaein. ¹⁵ Poxonae barapomonae Nacomtha wũca bewa yabara jume cowũntsiya wũcaena xua bara Nacom pon jiwi Pecanamataxeinaein axaibi exana bapontha. Bapoxonae pon atene jume tsane. Mataũtano pon Wanacanamataxeinaein, bapon pon atene axaibi exanaeinchi. Icha pon atene abe peexanae cuiru coyene exana baxua Nacom cayabara jũntemainena. ¹⁶ Daxota

paxam, caemonae nantiya pana natsipaebeibare xua poxonae abe nantiya pana nata exaneibame, pajam tsaibinde: “Pin uvan, yaitama jopa xapain cata exanaetsi necayabara jüntemainare”, pajam tsaibinde. Pon Nacom peitabaratha tatsi jüntu coyene xanepanaya popona, poxonae bapon Nacomtha wuca bichocono peayapusawa xeina xua daxota Nacom beta cana exana bapontha. ¹⁷ Nacom peitorobi jume pepaebin Elías, bapon bara jiton bara wanaca cui jupaein, pon caena bayatha popona. Poxonae bapon Nacomtha matowa wuca xua jopa peruneicaewa tsane, bapoxonae jopa duneicaeyo tres po weibe yawa equeicha bara caeto nama. Bapoxonae barapo nacuatha pin jainbo nacua tsurucuae. ¹⁸ Bapoxonae, poxonae equeicha Nacomtha wuca, bapoxonae equeicha duneica yawa pexuwiwan xanepanaya nawetsiya xuwa.

¹⁹ Tamonae pam metha ichun pon paxam jiwana abe exanapona bequein yaputane xua bewa exanaena pocotsiwa pexainyeyiwan. Icha ichun yawena bapontha xua equeicha caewa beta peexanaewa tsane bapon, pon yawena, bara beta exana. ²⁰ Pon yawena bewa yaputaena xuaje: Po jiton xua cana exana ichamonae xua penacui barapentsiwa abe peexanae cuiru coyenein, xua equeicha pejume cowuntsinexa Nacom, barapon jüntu coyene capanepa exana barapomonae petupae cuiru coyene weya. Matautano bapon jüntu coyene yawena xua Nacom peyabara jüntemainaewa xua barapomonae abe pia peexanae cuiru coyenein tatsi xua bequein bichocono nawita.

Baja Santiago.

Nacom Pejume Diwesi po diwesi pena jume diwesi xua
Jesucristo yabara tinatsi
New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22
